

20	APR 2023	117-061
01-60-02-64-23		

Dr. Dragan Srevanović, gradski vijećnik

GRAD SARAJEVO
GRADSKO VIJEĆE
-predsjedavajući Gradskog vijeća

Predmet: Inicijativa

Upućujem inicijativu Gradonačelnici da poduzme potrebne aktivnosti da Grad Sarajevo na zgradi glavne pošte u Sarajevu, ulica Obala Kulina bana, postavi spomen ploča u čast narodnog heroja Fuada Midžića sa dvojezičnim tekstom (bosanski i engleski jezik) i tražim da se Gradsko vijeće izjasni o podnesenoj inicijativi.

Obrazloženje:

Narodni heroj Fuad Midžić, rođen u Sarajevu, istaknuti je borac protiv fašizma. Kao sarajevski ilegalac uhapšen je i spreveden u zloglasni logor Jasenovac gdje je proveo određeno vrijeme. Nakon puštanja iz logora, ponovo se priključio ilegalnom pokretu u gradu Sarajevu. Poginuo je kao ilegalac na isti dan kad i Vladimir Perić Valter 06. aprila 1945. godine, braneći zgradu pošte od pokušaja uništenja od strane nacističkih okupatora pri povlačenju.

Po narodnom heroju Fuadu Midžiću, do 1991. godine, bila je nazvana ulica u Sarajevu koja je nerazumnim i nepravедnim postupkom novih vlasti ukinuta.

Stoga, smatram da je neophodno da se podigne spomen ploča na mjestu na kojem je Fuad Midžić, poginuo braneći grad Sarajevo.

U Sarajevu, 20.04.2023. godine



Adi Škaljić, vijećnik

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
GRAD SARAJEVO
Gradsko vijeće Grada Sarajeva
n/r predsjedavajući, Jasmin Ademović

uputiti: gradonačelnica Benjamina Karić i nadležna gradska služba

PREDMET: VIJEĆNIČKA INICIJATIVA

Poštovani _e,

Na osnovu člana 19. Poslovnika Gradskog vijeća Grada Sarajeva koji propisuje pravo vijećnika da podnosi inicijative, **upućujem vijećničku inicijativu za finansiranje obnove prostorije JU KJU Gerontološki centar Sarajevo za potrebe izgradnje čitaonice.**

OBRAZLOŽENJE

Naši stariji sugrađani i sugrađanke, korisnici usluga Gerontološkog centra nažalost nemaju vlastitu čitaonicu. Evidentno je da bi postojanje ovog sadržaja izrazito oplemenilo njihove dane u ovoj javnoj ustanovi.

Smaram da Grad Sarajevo može izdvojiti iznos od 10.000,00KM, kako bi se predviđeni prostor uredio za potrebe biblioteke.

U prilogu procjena troškova, koju je dostavila kantonalna javna ustanova.

Adi Škaljić
vijećnik Kluba Naše stranke

Sarajevo, 24.4.2023.



U ime:

Kantonalna Javna Ustanova Gerontološki centar Sarajevo
Aleje Bosne Srebrene 7, 71000 Sarajevo, BiH

Predmet: Inicijativa za pokretanje projekta "Čitaona za korisnike KJU Gerontološki Centar Sarajevo"

Poštovani,

Sa radošću Vas obavještavam da smo, a na osnovu inicijative uvaženog Vijećnika Gradskog Vijeća Sarajevo Adija Škaljića, obavili istražne radnje kako bi provjerili tačan iznos potrebnih sredstava za realizaciju navedenog projekta, tj. za formiranje čitaone u okviru ustanove te nakon prikupljenih ponuda i mišljenja možemo potvrditi da bi iznos od cca. 10,000.00 KM bio dovoljan za uređenje i opremanje jedne prostorije u formu čitaone, te bi na osnovu provedenih radova uspostavili saradnju sa JU "Biblioteke Sarajeva", kao i pokrenuti prikupljanje donacija za knjige koje će u najboljem smislu koristiti osobama treće dobi.

Ovakav jedan projekat bi sigurno značajno doprinio podizanju raspoloženja i atmosfere među korisnicima, te olakšao dostojanstveno starenje kroz niz novih aktivnosti i dostupnih usluga dostupnih, te se nadamo njegovoj realizaciji u što skorijem periodu.

Sarajevo, 20.04.2023

Pr. 17-957/23



Mirza Musa

Direktor